


聖教雜誌

REVUE CATHOLIQUE

中華民國七年第七年全




天主降生一千九百十八年

第 三 十 七 册 至 第 八 十 四 册

聖教雜誌

REVUE CATHOLIQUE



中華民國七年陽曆一月

天主降生一千九百十八年

N° 73

第七年 第一期

要目

插畫○上海飛行家朱迎生

君小影 南苑飛機廠長

青浦潘世忠君及其自

製飛機攝影

論說○俄羅斯革命之因果

(械材東家)

傳記○創立傳信會女士保

利納瑪利亞若利各傳畧

(希望)

教育叢談

近事○羅瑪之部 本國之

部 外國之部

中外大事表

本期插畫說明

朱迎生君歷史見本報第五年第十一期五百十九及五百二十頁潘世忠君歷史見本報第六年第八期三百六十五至六十六頁

土山灣印書館

特別廣告

國民學校國文新課本說明書第二編業已出版諸君已購第一編及預約券者請速攜券來取未購者亦請速來購第一第二編及後二編預約券一俟第三第四編銜接出版憑券取書不悞又第二編頁數比第一編約多一倍並附有單印之附錄二種惟初版無多欲購從速

辣丁文中國傳教士月刊出版

北京法文公教月報社新近刊行一種辣丁文月刊專供中華傳教士披閱者定名中國傳教士 *Sacerdos in Sinis* 月刊每月陽曆十五日出版全年報資定價一元半其第一冊業已於民國六年十二月十五日出版茲承以一冊見惠特書數語以誌謝悃兼為介紹 聖教雜誌社啟

賑欸誌謝

為直隸水災賑欸常熟灘裡三家村及周村教友共捐洋二十八元上海隱名氏捐洋一元常熟劉慎敏君捐洋五元特此誌謝并揚 仁風

贈書廣告

公教為造物主所親立之教亦即至真至正獨一無二之聖教也凡誠心信仰聽其言守其誠即是天主肖子時受天主默護賜聖寵加聖佑不但能改惡遷善成聖成賢不難也徵諸往事斑斑可考惜乎近人徒有信仰之名而無信仰之實致公教之神益不獲公教之真理不彰其關係個人身後禍福者小影響於社會國家者大僕不敏謬不自量妄撰奉教須知一書冀與海內同胞共同研究互相琢磨使公教之人咸納於公教範圍之內成己成人拭目可待業蒙本省趙大司牧核准現已付梓不日即可出版倘蒙高明不棄函索即寄惟函內須附郵票二分以作回件之費更請書明職銜住址以免有誤惠函直接寄浙江樂清虹橋鎮陳汲新收便是

土山灣印書館

緊要廣告

近因歐戰影響包書紙價格飛漲本館自本月起特定寄送書籍新章如下 一凡寄送書籍郵費及掛號費每包滿一角者購書諸君須加納包書紙費大洋一分滿二角者加納大洋二分(按郵章遞寄書籍每包重量最多為二千格蘭姆郵費連掛號費共二角) 二聖心報聖教雜誌二種不加包紙費 三本館寄送書籍照例向郵局掛號以免遺失凡購書諸君如不欲掛號須先聲明本館亦可照辦倘或遺失不負責任惟包書紙費仍須照第一款加納 四俟紙價回復戰期前原狀此加費新章即行取消

土山灣印書館啟

惠書誌謝

茲承魯君如會惠贈陸家浜驗磁臺記一册餘姚徐友丞君惠贈甬北信德會雜誌二册元善堂良方選要及達生福幼編各一册衛生雜誌三期特均誌謝

聖教雜誌社啟

震旦大學院招考

本院共分三大正科文學法政科算術工學科博物醫學科各科教授概用法文凡未通法文者本院設有預科入學考試只作中文論說一篇以清通為及格法文無論已讀未讀本院學年分兩學期每學期學費正科二十五元預科二十元膳宿自備遠處學生本院設有寄宿舍凡有志來學者納報名費一元取否均不發還本屆招考只招預科新生或插班生不招正科生本院一千九百十八年之春季學期

考期

(甲)陽曆二月一日

開學

(乙)二月二十九日至三月一日

住址

上海法界呂班路五十五號

欲閱章程函索即寄

最新出版 聖女德肋撒行實

一册價洋三角

是書為大史家耶穌會鮑朗第社原編由徐司鐸伯愚新近逐譯出版譯筆簡潔排印清楚全書凡六十章聖女生平事實詳載無遺復精印聖女五彩造像一幀以為之冠世之尊敬聖女者誠不可不手執一編也 土山灣印書館啟

高等小學 **國文新課本** 第一冊已出版 每冊一角三分
第二冊已付印

科目中最難得門徑者莫若國文國文之體製最備而可作導師者莫若古文學童在高小時期為研究國文最好之時期設非有宗旨純正相宜之國文課本恐不獨不能收豁然貫通之效且或貽以德性之障礙高等小學國文教科書坊間之出版行世者多至十數種或選取易解之古文或自撰適宜之文字大概能稱善本特惜其所選古文本中間雜古人神怪不經之謬說自撰文字本中或有近世訛毀宗教之言論不特公教學童不甚相宜即外教學童亦不當以謬說為讀課本館有鑒於此特聘通人參酌坊間教科書成例舍短取長另編高等小學國文新課本六冊每冊供一學期之用第一冊現已出版內容大概共選短篇古文四十課約供一百小時之教授文中逐段之下有說明逐篇之後有總評俾學生易於領會每課有擬作兩篇以示模範更擇字句中之稍不易解者從畧註釋每課之後特闢瀏覽一門俾學生於普

通文法及國民常識藉知一二並蒐集各種雜錄以增興味第二冊內容大概與第一冊相仿現已付梓准於下月初出版以便各學校購用後四冊現正趕編特此預告

國民學校即 **國文新課本** 共八冊
初等小學 已出全

本館編輯國民學校國文新課本全書八冊業已出全每冊定價大洋一角現第一第二第三冊初版均已售罄發行再版內容尤多改良第四冊現正在再版中第五冊存書無多亦將再版特此佈告

最新出版 **聖女日多達小傳** 價洋二角半

是書為法國耶穌會司鐸格老君原編由潘司鐸秋麓譯登於聖心報時歷二年大受閱者歡迎多以單行為請茲從衆意特印單行本出售冠以聖女五彩像欲購者請從速

土山灣印書館啟

聖教雜誌第七卷目錄

天主降生一千九百十八年
中華民國七年

第一期 一月 一頁至四十八頁

插畫 上海飛行家朱迎生君小影 南苑飛機廠廠長

青浦潘世忠君及其自製飛機攝影

論說 俄羅斯革命之因果(械材東蒙)

傳記 創立傳信會女士保利納瑪利亞若利各傳畧

(希望)

教育叢談

近事 羅瑪之部 本國之部 外國之部

中外大事表

第二期 二月 四十九頁至九十六頁

插畫 湖北鄖縣公教進行會支部紀念景 晉南正詣

第一國民學校全體攝影

論說 俄羅斯革命之因果續(械材東蒙)

目錄

傳記 創立傳信會女士保利納瑪利亞若利各傳畧續

(希望)

教育叢談

說林 滅吸紙烟一夕話(希望)

近事 羅瑪之部 本國之部 外國之部

中外大事表

第三期 三月 九十七頁至一百四十四頁

插畫 新聖劉大司牧攝影 貴州公教青年會慶祝主

教施公晉鐸銀慶紀念攝影

論說 俄羅斯革命之因果完(械材東蒙)

傳記 創立傳信會女士保利納瑪利亞若利各傳畧續

(希望)

教育叢談

近事 羅馬之部 本國之部 外國之部

中外大事表

第四期 四月 一百四十五頁至一百九十二頁

插畫 安慶傳教士顧公遂初晉鐸銀慶攝影 顧公銀

慶紳商董事等恭送匾對攝影

經解 聖母小日課讀美經第一篇聖咏(師道)

傳記 湖北襄陽屬教史記畧續(成司鐸) 創立傳信

會女士保利納瑪利亞若利各傳畧完(希望)

教育叢談

近事 羅馬之部 本國之部 外國之部

中外大事表

第五期 五月 一百九十三頁至二百四十頁

插畫 佘山現在之聖母堂 佘山擬建之聖母堂

論說 歷史家舊言駁議(械材東蒙)

傳記 希臘古本中之耶穌聖容記(伊人)

雜著 記上海新普育堂(伊人)

教育叢談

近事 羅馬之部 本國之部 外國之部

中外大事表

第六期 六月 二百四十一頁至二百八十八頁

插畫 民國五年上海公教進行會宣講部攝影 民國

六年上海公教進行會宣講部攝影

論說 歷史家舊言駁議續(械材東蒙)

傳記 湖北襄陽屬教史記畧續(成司鐸)

雜著 佘山擬建新堂記(伊人)

專件 晉南公教進行會四次大會記(成捷三司鐸)

教育叢談

說林 韓亞童子(希望)

近事 羅瑪之部 本國之部 外國之部

中外大事表

第七期 七月 二百八十九頁至三百三十六頁

插畫 廣東惠陽三德學校暨校舍 福建漳州公教會

高等小學校

傳記 廣東石龍麻瘋院記(泰東) 湖北襄陽屬教史

記畧續(成司鐸) 赤道民主國總統迦西亞貌

來諾傳畧(希望)

教育叢談

近事 羅瑪之部 本國之部 外國之部

中外大事表

第八期 八月 三百三十七頁至三百八十四頁

插畫 本年江南新聖五位司鐸攝影 陝西希主教履

任紀念影

論說 歷史家魯言駁議續(械材東蒙)

傳記 湖北襄陽屬教史記畧續(成司鐸) 赤道民主

國總統迦西亞貌來諾傳畧續(希望)

教育叢談

近事 羅瑪之部 本國之部 外國之部

中外大事表

第九期 九月 三百八十五頁至四百三十二頁

插畫 慶祝陳餘三司鐸銀壽紀念影 廣東香山賀道

行司鐸銀慶紀念影

經解 聖母小日課讚美經第二篇聖咏(師道)

論說 歷史家魯言駁議續(械材東蒙)

傳記 廣東石龍麻瘋院記續(泰東) 湖北襄陽屬教

史記畧續(成司鐸)

教育叢談

近事 羅瑪之部 本國之部 外國之部

中外大事表

第十期 十月 四百三十三頁至四百八十頁

插畫

重慶神律校長唐公臨別紀念影 打箭鐘慶祝
新聖母堂落成

論說

日本之歸化(希望)

教育叢談

近事 羅瑪之部 本國之部 外國之部

中外大事表

第十一期 十一月 四百八十一頁至五百廿八頁

插畫

民國第二任大總統徐世昌

傳記

中華民國第二任大總統徐世昌傳畧(公民)

廣東石龍瘋院記完(泰東)

文苑

萬民四終詩(常熟劉應雷遺稿)

教育叢談

近事 羅瑪之部 本國之部 外國之部

中外大事表

第十二期 十一月 五百廿九頁至五百七十六頁

插畫

川東大竹縣男教友慶祝楊司鐸攝影 川東大
竹縣公教佩貞女校

傳記

赤道民主國總統迦西亞貌來諾傳畧(希望)

教育叢談

文苑 萬民四終詩完(常熟劉應雷遺稿)

說林

各人之預算表


近事

羅瑪之部 本國之部 外國之部

中外大事表



現任法國陸軍大尉——
上飛家朱迎生君最近小影



南苑航空學校飛機廠
廠長潘世忠君及其自製飛機攝影

論說 俄羅斯革命之因果

俄羅斯專制大廈建設已歷數世紀之久。而去年三月中。革命霹靂一聲。事成俄神速若是耶。乃未幾二次革命發生。新政府內閣總理克倫斯基氏。於旬日內盪平之。而單獨媾和之議。同時打消。於是世界各國。先後承認俄羅斯為遠東之新共和國矣。詎意會幾何時。以里加失利軍無鬥志。而俄京社會黨。又舉行第三次之革命。於不數日內。推倒政府。重起爐灶。另行組織。而與德國將實行媾和乎。一起一伏。變幻莫測。騷亂之象。方興未艾。其影響於世界各國外交軍政。豈淺鮮哉。我國政府國民。設果燭見俄國大革命中所暴露之各種因果。而漠然無動於中。不亟猛省者。我不信也。茲就見聞所及。先將俄國革命造成與發生之事實。彙集而縷晰詳論之。名其篇曰俄羅斯革命之因果。以饗世之關心時事者。而二次三次革命之事實。一俟集獲全豹。當再專篇詳論焉。

緒論

事之成。非成於成之日。禍之作。非作於作之日。其所由來者。必漸矣。俄國史拉夫族人民。苦俄廷苛政久矣。觀於近數十年以來。俄國之政治歷史。則知俄民希望政治改良。制定憲法。革除專制積弊。醞釀已非一日矣。惟俄民非必欲推倒皇室也。倘俄廷能體恤民艱。俯順輿情。剔除苛政。銳意圖新。改弦易轍。與民更始。毅然改行君主立憲政體。而庶政公諸國民。則革命之浪。何自而來。



哉。特惜廷臣冥頑不靈。嗜專制。視國民如草芥。而蔑視民意。強施壓制。加以政治腐敗。反日增月盛。遂使民心怨恨而渙散。不得已挺而走險。蓄謀革命耳。故以春秋誅心之義論之。前俄皇室及專制政府之推翻。乃皇室與政府自召之也。雖初次革命。今亦已成陳績矣。願欲論二次三次之革命。與夫新俄國騷亂之局。將伊於何底。則不可不先論初次革命。而欲論初次革命發生之事實。尤不可不同時論及造成革命之各種事實焉。茲斷自專制推翻初次革命成功止。分論如左。

一 帝后之爲人

諺云。禍福無門。惟人自召。俄國去年革命之發生。乃亦非無因而至者。前皇尼古拉第二。雖爲失敗之主腦。實爲激成革命之一人。請先畧述之。如次。尼古拉第二。父亞歷山第三。英明主也。而教子之法。不甚留意。一切主持。皆委於皇后一身。皇后守舊一流人也。凡事皆以不進行爲主旨。故帝不喜書。自幼教育不完全。凡俄人特有之美術思想。帝亦缺焉。年十八歲時。遠離雙親。入俄京。隣近茲亞魯司古。西羅離宮。受近衛驃騎之軍隊教育。故帝長於馬術。能駕駛馬。疾馳至四五小時之久。侍從武官。每隨帝乘馬。常以爲苦。帝除乘馬外。最工者。則爲語言。英法德諸國語。帝無不精嫻。每新春外交團謁見時。帝則用數國語存問。公使操語之巧。卽本國人亦不是過焉。日俄戰爭時。俄國艦隊盡殲於日本海。此警報傳入俄國。上下無不震駭。帝方在離宮作庭球戲。

使者踉蹌入報。帝泰然不以爲意。神色不動。徐曰。果若是乎。語畢。復執球板。狀至安審。數年前南俄民族革命。謀推翻皇室。總理大臣司督魯比出而鎮撫。不幸被刺。時帝在紀歐。於心非不惻然。然親祭之典未終。而巡幸之詔已下。一至科尼維野之尼哥。且離宮。絕不生何等之悲戚。其待遇忠臣之冷淡。不免令人心灰也。繼任總理大臣可可都澳氏。亦一有名之政治家也。因某要事有關皇室安危者。奔赴離宮。入朝時。帝無他語。但指壁上之畫曰。卿至此甚佳。此畫美乎。可可都澳氏滯留三日。每朝。帝所與言者。無非瑣事。欲求上奏之機。卒不可得。無已。乃直接告帝。惟帝狀至不悅。却之曰。朕到此遊玩耳。國家事。當待朕回宮時言也。由此觀之。則尼古拉第二之爲人。自可知矣。

尼古拉第二性質。一言蔽之。爲荏弱。爲陰鬱。有時自知振拔。則坐而言。終未起而行。惟其荏弱。故受制於皇后。而其陰鬱。則半秉天性。半染自皇后也。此次革命成功。帝之失位。后亦不能辭其咎也。

皇后爲德國非都西大公之女。曰亞尼都古司。其與帝之婚約。爲乃父與亞歷山第三所訂。當時德人皆極口反對。謂以幼齡之德女。一旦入宗教習慣皆異之俄國。又強以與素無情愫之男子結婚。不幸甚矣。而俄之交際界。對於皇后。亦常表不滿之意。百端詆謗。上下同聲。良以后命途多舛。幼失怙恃。時依兄弟爲生。託庇於其外祖母英國女皇維多利亞之膝下。卒以是故。影響及其

性質變爲峭急寡合之一人也。

皇后入宮時。宗教改爲希臘教。名字亦改作亞歷山扶約多羅撫娜。時擬以冬宮爲帝后宸居之所。故設備極華。然皇后辭曰。吾姑獨處阿尼知可宮殿。想必寂寥。吾當趨侍。由是姑媳同居。此事甚得太后歡。卽俄京之交際界。亦頗稱之。然數月之後。毀謗之聲。亦隨地起矣。蓋皇后性質既優。蹇難合。年齡又稚。且生長德國。不諳俄國禮節故耳。而皇后又有最不幸者。則法語不精是也。俄國上流社會。卽日常家庭會話。亦用法語。有時且以操語之巧拙。而定人品格者也。皇后尤有一事。足爲人所共憤者。當莫斯科大亂時。嘗屠戮數百人民。或謂是日皇后乃臨法。國公使館跳舞會。且爲狀極愉樂。翌日。又未嘗慰藉罹禍之人。故莫斯科人民對於皇后。感情甚惡也。

一 千 九 百 十 八 年 陽 曆 一 月

或云皇后與帝訂婚時。心固不悅。德皇聞之。往說之曰。入龐大之國。爲其主婦。幸而得其全財產。豈非至樂之事。皇后不覺心動。遂入俄土焉。至此次歐洲大戰勃然發生。皇后以爲時期已至。遂自擬於加大林女皇（俄之女皇）武斷宮中。與德探謀種種德國之利益。總理大臣西秋魯買魯以謀單獨媾和罷職時。皇后乃謂侍者曰。惜吾至大本營。乃遲半小時。不然西秋魯買魯豈至革職。其心事蓋可知矣。又傳聞后曾與宮相不列二科司謀竊取秘密地圖。及書函。送至德國。其甚者。則自作命令。乘帝酩酊時。強其署名。一面送此命令於俄軍。一面報之德軍。信否未知。俄德開戰時。俄國三軍團。盡滅於督羅。聞亦后所致。事屬暗昧。不可窮究。又內務大臣欲令德國俘虜備

作。皇后止之。軍隊怨恨帝后。臻於極點。稱后曰德國女。稱帝曰德國女之夫。且禱祝曰。主乎何不降德國女以災。后之不得民心。可見一斑。后之待帝。則非無愛情。惟視爲一好弄玩不曉事之童。嘗自語曰。余得德國短劍之助。威此木偶。不愛不作。加大林女帝第二也。凡此種種。雖非盡確。要皆爲此次革命之導火線。故曰促成革命。帝后亦一分子。而除帝后外。釀成革命有大力者。則已遭暗殺之怪教士賴斯破丁。其尤著者也。然其所以能干涉國政者。亦由於皇后之殊寵。而皇帝之荏弱故耳。（賴斯破丁事詳後）

二 史拉夫族人之革命思想

帝也。后也。賴斯破丁也。固均促成革命之分子也。然革命之反動力也。而非革命之自動力也。今試進一層而言。革命之自動力。卽史拉夫族人之革命思想是也。俄人革命思想。乃胚胎於一世紀之前。時法蘭西國體。尙未改革。全俄傾向創革命之說者。寥寥無幾人焉。既而法國革命大告成功。自由民權之說。漸浸潤於一般俄民腦中。加以地主農奴之階級過嚴。專制政府之逼壓過甚。在在足起國民之反感。一千八百六十年以後。乃有虛無黨之發現。時俄皇爲亞歷山第二。鑒於民心之趨向自由。知專制主義之不可持久。初頗有志於政治上之革新。於是於六十三年三月三日。下詔釋放農奴。進奴爲民。旋又下諭廢除肉刑。改良學制。施行地方自治制度。並許人民言論之自由焉。惟後爲官吏左右所煽惑。未能貫徹其主旨也。

且自亞歷山第二下詔解放農奴。而革命轉因之尤熾。惟前之創革命者。欲平等自由。贊成進奴爲民。而後之革命者。乃卽以前疲不任事之地主世爵。及疏遠皇族。蓋若輩向恃農奴力作。供其生事。自農奴釋放。若輩窮無所歸。遂起革命之念。又以御苑之農奴。初非同時並釋。謂帝自擅奴利。尤啣恨刺骨。屢謀暗殺焉。帝嘗一歲中而數被危險。又嘗車赴黑海行宮。途中偶爾下車。所乘之車。由其近侍。乘以前進。將抵前一站時。忽鐵道下炸藥爆發。毀列車二。其一車。卽俄皇御車也。於時有隨扈之梅森薩夫將軍獻策。將俄皇幸免事實。暫不宣布。以覘黨人狀態。果也。見有列隊之人民。高唱革命歌。梅氏發兵圍捕。秘密拷訊。卒得黨人潛埋炸藥機關。於是俄皇復厲行專制政策焉。嗣後凡將赴黑海避暑。乃命衛戍總督下一令。居京城者。每家必雇一人守衛門戶。家中人之坐臥出入時刻守衛者。皆須逐日報告警署。違令不雇人者。初次罰五百盧布。三次則拘囚。此令之苛刻煩擾。結果爲推盪革命之波濤。強者怨於色。懦者怒於心。黨人勢力因而加增。日進千里。然黨人有一大部。亦頗扼於令。不便復留。遂多移往莫斯科矣。

不特此也。俄京附近釋放之農奴。後多改業爲工。而其餘大半拙奴。驟蒙釋放。無人嚴督。仍操農業耕作。不能如向日之力。乃對國家應納之民稅。則又驟及於身。亦轉至流離怨望。總之政府與國民至此已成水火。雖國民反對之派別不同。而反對則一也。亞歷山第二。徇棉利果夫大將之請。將憲法改正。以期調和。方欲公布施行。而皇卒爲革黨炸彈所斃。其子亞歷山第三嗣位。乃益

行嚴厲之政治。人民亦愈懷不平。秘密結社。遍於國中。官吏軍人。亦有加入者。迨尼古拉第二繼位。虛無黨社會黨。所持之主義。漸次推廣盛行。一千九百零五年。首府造船業工人同盟罷工。政府命軍隊鎮壓。暨傷工人甚夥。人民異常憤慨。各地擾亂。因之發動。政府知高壓無效。乃發勅令。預備立憲。並宣言信教自由。時適波羅的艦隊。爲日本所殲滅。政府之無能暴露。而國民愈爲憤慨。故各地騷動。不特不能消滅。且勢轉增盛。黑海艦隊之水兵。則譁變而戕其艦長。俄迭克及洛克之社會黨。則起而與官兵交綏。高加索之亞美尼人及韃靼人。復以人種宗教之不同。互相衝突。死傷無算。各地社會黨。又組織同盟罷工。數達百萬。要求政治上之自由。莫斯科及俄京。則爲激烈黨徒所包圍。陷於孤立。全國騷然。有岌岌不可終日之勢。政府惕於事變之重大。一方努力於秩序之恢復。一方發布勅令。付國會以關於制定法律豫算上之大權。十月三十日。俄皇署名於憲法。並頒令特赦政治犯。顧俄政府對於立憲初無誠意。第一及第二次國會中。民黨議員占多數。均未及三月。下令解散。第三次國會中。政府黨乃占多數。於是議會與政府。沈瀆一氣矣。而民黨失勢。民權遏抑。名爲立憲。專制愈甚。俄民日處水深火熱之中。蓋已久矣。

自歐戰既興。國民雖一意對外。初未聞有若何之激動。然國會議員。則以感受戰事之刺激。及政府處分戰事之失宜。頗改其曩日之態度。從前之袒助政府。或主張與政府調和者。至是多與民黨表同情。多數國民。又以波蘭方面屢次失敗。頗懷不信任政府之意。尼古拉第二。雖宣告尊重

民意。並許波蘭芬蘭等地人民。以自治之權。然空言而無實事。不足挽既渙之人心。且對於人民代表之下院。依然疾視。議會與政府。因之常相齟齬。政局不獲一日安。十四月來。內閣總理。四易其人。內務總長。更迭八次。而執政者。仍始終不悟。不肯稍順輿情。最後之嘉理靜總理。內閣與國民益不相能。去年一月二十五日。為議會開會之期。閣員恐招下院之非難。外交財政商務陸軍諸大臣。自十七日以後。相繼辭職。政府乃將開會期。延至二月二十七日。然在此延期中。絕無與議會調和之計畫。惟汲汲於壓制民黨之準備。故民黨益懷惡感。適因糧食問題。釀成民警交鬭。於是革命風潮。遂一發而不可收拾矣。

三 革命時之情形

今將初次革命成功之事實。述其大概如次。俄都未革命前數星期。因交通阻滯。食糧缺乏。俄民之購買麪包者。必露立於冰點下四十度之奇寒中。五小時以待。有時且不能購得少許。薯芋之價。大於曩時八倍。其他食品。無不奇昂。人民飢寒交迫。而政府當局。則漠不關心。於是激成罷工之風潮。為先是前年十二月十日。下院議長羅翔柯氏。為民食問題。召集大會。竟不能邀主管閣員出席。而官民固已交惡。加以俄政府對於民間。壓力素強。民間抗此壓力。富有危險性之秘密團結。亦較他國為多。年來團結勢力。漸普及於軍隊。去年二月初旬。中央陸軍實業會工團團員。以謀改建共和十一人被控就逮。二月二十七日。國會開會。即有工人列隊示威之舉。經官廳以

高壓手段驅逐解散。而民心愈憤激。至三月八日。罷工風潮發生。軍隊乃亦多附和。其間於是事遂不可爲矣。

初諸工場之職工。於三月八日。同盟罷工。結隊遊行街市。飢民附和之。人數愈聚愈衆。然未至於暴動也。政府於人民糧食問題。事前既未爲籌備。事後又不出以撫循。惟知用武力以事鎮壓。警察不敷分布。則復調憲兵及哥薩克兵以助之。不知軍隊亦多陽從陰違。且人民之氣燄。乃愈激愈盛。有多處之麪包店。均被搗毀。九日。礮兵工廠之工人亦相率加入。十日。都司令官出示禁止民衆之集合。其不從者。准軍隊開鎗。然軍隊既有表同情於民黨者。或放空鎗。或以實彈向空施放。故死傷無多。且哥薩克兵巡邏街市時。人民對之歡呼。兵士有脫帽答禮者。惟警兵頗效忠政府。發礮傷斃民衆多名焉。

十一日。都司令復出示。限工人次日照舊上工。否則當強制而送至戰地。此示一出。形勢更危急。俄京秩序大亂。合城報紙。盡數停刊。電車亦未開駛。政府又惡國會之吸收衆望也。令於十一日起。停止開會。一面以武力鎮壓亂事。而全城軍隊。大率表同情於國民。對於政府。反戈相向。首由禁衛軍二萬五千人。附從革命。民軍乃得占領兵工廠。及其他重要機關。設總機關部於彼得保羅總砲臺焉。十二日。俄京近衛海軍。及其他軍隊大部分。均加入於民黨。市內各處。均發生小戰。殺死軍官數員。民衆手執赤旗。遊行街市。焚燬多數之警察署。刑事本部。裁判所。及偵探總機關。

部占領克萊斯蒂監獄。釋放政治犯。關於政治上人物及政社等之紀錄。悉付一炬。下院議員以罷工之風潮一轉而為革命之風潮。大局危急。特開緊急會議。宣示停會朝旨。衆議決不奉命。同時組織臨時委員會。舉羅翔柯議長為委員長。以處理時局。執行必要之舉動。旋即致電俄皇。請速遜位。另擇全國信任之一人。組織新政府。並分電參謀總長亞力克錫夫及統帶大軍各員。請其疏通俄皇。嗣得數處覆電。表示同意。乃再電俄皇。謂大局更危。請立下遜位詔。同時革軍代表謁見羅翔柯。詢明下院態度。言極願協力同心贊助下院。即以下院組織之委員會掌臨時行政事務。立即分派兵隊占領宮庭。搜索帝孽。於是舊朝閣員亦集議於海軍部。置兵為衛。入夜以探海燈四處射照。從事防禦戰鬥。民軍領裝甲汽車奮勇攻撲。內部守兵復倒戈內應。民軍乃大勝。十三日。民軍繼續猛攻。於清晨三時。完全攻克。舊內閣諸閣員及上院正副議長。與重要官吏多被拘捕。分禁於下院及彼得保羅砲臺。未及傍晚。京城海陸軍全體。宣告加入民軍。俄京革命事業至此完全告竣。於是組織臨時內閣。以爾伏夫任總理。兼內務總長。民軍政治組織。乃具始基。十四日起。俄京秩序稍漸回復。莫斯科首先宣言效忠新政府。並組織陸軍委員會。辦理維持治安。供給糧食諸事。莫斯科總督等若干人。均被拘禁。既而其他各省亦陸續宣布贊助民黨。旋由羅翔柯將革命成立情形。通告全國。各宮帝國旗幟均已撤去。代以紅旗。新政府復即發表內閣政策。一、即行大赦政治宗教之罪犯。二、言論出版結社之自由。社會團體之組織與同盟罷工。

之自由。三、廢除社會宗教上國民之限制。四、即行召集國會制定憲法。五、以國民兵代警察。六、革命軍均不解除武裝。七、軍民享平等之社會權利是也。

俄皇當革命暴發時正在前敵督戰。初接羅翔柯電不以爲意。繼接內閣辭職電乃擬組織責任內閣以期與民黨調和。羅翔柯電又至堅執非遜位不可。而尼古拉大公暨前敵各司令官來電亦均持遜位之說。且扈從軍隊均不肯向俄京前進。欲回前敵而後方鐵路又被拆斷。尼古拉第二乃徇衆意於十五日夜半下詔遜位。皇與副官佛里得利男爵親自署名。而皇位自此斬矣。其詔文畧謂外敵圖奴吾國三年於茲。當此危急存亡之秋。當使國民羣策羣力以求勝利。早日實現。下議院籲請退讓皇位。放棄大權。誠屬保國之大計。惟余以不願與吾愛子離居之故。特傳大位於皇弟米哈爾大公。使與全國代表同心秉政。俾國運隆昌。上帝蒙榮。朕有厚望焉。米哈爾深知大勢之所趨。俄民之難馭。遂於十六日發布辭位之宣言。願將國體問題聽之民意。而政治革命之目的。至此全達。舉凡從前禁例抑制民權者。大抵悉數消除。而自由平權之聲洋溢於耳鼓。此初次革命成功時之大概情形也。

四 歐戰與革命之關係

革命之事實。既如上所述矣。今試復續論其造成之諸因焉。以最近激成革命之原因論之。則歐戰亦其一也。俄之國民黨領袖某君於一千九百零六年嘗曰。光華絢爛之歐洲。幸承三救星之賜已

得免於蹂躪荼毒矣。其一，即法國於瑪爾納之役大敗敵軍。其二，為英國軍隊之戰鬥力在海面上之活動仍自由無阻。其三，則俄國自由黨人，乃未發動而起革命是也。細玩其語意，俄民革命思想積蓄已久，大有躍躍欲試之勢。惟在戰事期內，恐牽動大局而未實行耳。則是以前革命之不起，未始非受歐戰無形之壓制，而不知去年三月中，革命之勃發，乃又歐戰所激成乎。

果也。近數年以來，俄人咸逆料專制命運不久，革命必將發生。專制政治之弊，既使國家日形衰敗，且故步自封，不思進取。凡國民所希望之新意，均不令發生。俄國政界中人，莫不洞悉，加以大戰開幕，專制政體之弊害愈顯，乃促使革命風潮勃然興起矣。先是革命之意見，常為愛國思想所牽制。蓋俄民愛國思想尙富，咸以為革命時機猶未至也。俄政府於戰事發生後，不特措施疏忽，且多失當，坐失一切利國福民之機會。以吾人觀之，俄國民族，必將立舉義旗，而推翻專制大廈矣。詎俄民以政府不能負政治上之責任，凡應舉行而未舉行之事，或雖舉行而組織未善之事，均起而代謀，以彌政府之缺點，與夫錯誤。於是省自治會也，縣自治會也，相繼組織成立。熱血盈腔，咸願為國盡力。由史拉夫族某親王，首先發起聯合省縣自治會，不向政府乞援，而獨樹一幟。辦理輸送傷兵、糧食、購買馬匹與軍用物料，以及製造軍火及槍砲等事，以代失職之政府，保衛國家焉。

不知公民愛國心切，組織自治會，以期挽國勢之垂危。反為官吏所疑忌，竭力阻其進行，乃公民

絕不怨尤。雖遇阻力。熱心如恒。他國之人。由外表觀之。俄民殊與政府。聲氣互通。一致對外。而俄民心中。實早萌有革命之思想。特欲俟至歐戰告終後。實行革命耳。我國人於俄國內政。以前向不注意。雖有識者。知其國內黨派雜出。官民意見不洽。與夫德人在俄之勢力。一如某國人在華之勢力。更使上下感情交惡。深信俄國革命。將來必不能倖免。第以為在歐戰未閉幕前。必不見諸事實。亦可斷言也。詎意尼古拉第二退位之聲浪。起於去年三月中。聞者莫不驚異。相顧失色。較之歐戰開幕時。德向比宣戰。愈為駭人。而英法協約諸國。聞此消息後。國民驚惶更甚。蓋俄國革命發生。實與歐洲戰爭有至密切之關係也。

革命初起時。或曰俄軍前敵。因軍營中諸事腐敗。按兵不動矣。或曰俄國內亂既生。俄德單獨媾和之時。幾至矣。全球各國。議論靡雜。吾國時正討論對德絕交問題。因此之故。亦引起一部分人之注意。未幾。俄國新政府。組織成立。共和政體。由國民會議議決。軍隊着手整頓。雖里加一役。前敵受創。而單獨媾和之聲。有如雲消霧散矣。不意二次革命接踵而起。議和行將實現。嗣後戰局。則難論矣。

間嘗考史拉夫族人民之性質。或失之過柔。或過於激烈。而所行之事。或偏於理想。或準確不移。絕無中庸者。觀俄人此次革命之事。而益徵信矣。在事實言之。革命之起源。為工人糧食問題。然俄國幅員廣大。甲於全球。擁有一百八十二兆之人民。竟無工人工作。謂非奇事乎。三年以來。俄

國糧食堆積。各國稱俄國爲歐洲之倉庫。孰意今有絕糧之風潮發生。實因政府辦理徵兵。尙欠經驗。又不令鄉人工作。政府更乏才具。辦理輸運事業。致全俄各省。不獲互相借助之益。有數城中糧食供過於求。而數城中。則空無所有。麥煤俱告罄。至三月初七。乃有罷工之事作矣。惟罷工亦常事耳。所謂貧民經濟問題。解決亦易。孰意由罷工而產生革命。致得推翻帝制之結果。則步驟之速。比例之大。實出人意料之外。因知其內容醞釀。由來已久。罷工風潮。乃僅一形式上之導火線耳。

雖然證之俄國。已往歷史。此次革命與一千九百零五年之革命。甚相似也。惟前次未成。後次則幸告成功。後次卽繼續前次。以成其未竟之志。茲欲詳解此政治革命其他各原因。則不可不復一追述革命前俄國政治之狀態。與夫黨派議會。各種輿論。均爲組織一種潛勢力者。以其一旦暴發。遂將專制之大厦推倒。而俄國數世紀來之帝位。從此直墜於萬仞深淵中矣。未完

傳記 創立傳信會女士保利納瑪利亞若利各傳畧 希 望

第一章 幼年 Pauline-Marie-Jaricot (1799-1862)

保利納瑪利亞女士。法國利翁人也。父母均故教友。業賣絲線。以爲人勤儉樸實。家道小康焉。父名蓋刀矮納若利。各母名若翰納拉的哀。生子女七人。保利納爲最幼。一千八百五十五年四月十九

日。教皇庇護第七詣甫爾未哀爾之小堂。行第二次開堂禮。主祭獻大彌撒。盜刀矮納若利各闖家。前往與禮。適值教皇駕過。教皇舉其可敬之手。覆於最幼二童之首。二童即保利納與其兄非



來矮斯也。非來矮斯長保利納。二歲常與其嬉戲。於習齡時。即抱宗徒之志。甘願為主致命。保利納瑪利亞則亦時告其母曰。兒願得金窟。以卹貧困焉。迨初領聖體時。既屆保利納舍於甫爾未哀爾山坡之寄宿舍。一千八百一十二年四月十六日。於聖若翰保弟斯大大堂。初領聖體。熱心非凡。同日并領堅振聖事焉。

保利納信德活潑。天姿穎敏。舉動爽快。得父母歡。而母尤珍愛之。掌珠不啻也。一千八百一十二年。

傳記

創立傳信會女士保利納瑪利亞若利各傳異

保利納借一姨甥於鄉間避暑。姨甥名伯多祿班冷。年纔五齡。乃姊沙非之長子也。時由女士攜赴村中聖堂。教以欽崇天主。而女士以己身及姨甥俱獻於耶穌聖心及聖母聖心。伯多祿因此大感動。矢志終生愛主愛母。寧死不欲獲罪於主母。後果進耶穌會。一千八百四十年。赴東印度。敷教於瑪地來地方。一千八百五十八年八月十九日。卒於其地。以聖德著。保利納稍長。容貌美好。體態綽約。亭亭玉立。宛似放蕊之鮮花。年纔十四。以貌麗而端潔。見者莫不嘖嘖豔羨。傾倒舉世。而思得天鵝者。大有其人。保利納一時惑於塵世情慾。亦不禁鍾情於其所慕。欲勉自抑制。而芳心乃輾轉不寧。若是未數月。容顏憔悴。病幾瀕危。其母若翰納拉的哀。初目擊愛女病狀可憐。悲痛不自勝。旋竟自愛傷感疾。遽於一千八百十四年十月二十六日。溘然長逝。而保利納時亦正氣息奄奄。故越一歲有餘。始悉萱堂。蓋已見背矣。翌年女士長兄保祿完室時。女士病已全愈。乃復得與世周旋。而斤斤於習俗之虛華矣。然其芳心內聖寵之活動感格。固未嘗或止也。沉迷久之。閉居一室。嗚咽悲啼。無所告訴。欲求安息。而弗可得也。其後保利納嘗語人曰。奉教人之欲得安息。非於天主所諭。拋棄一切之境地上求之。則不可得也。幸有一意外之境遇。保利納得絕處逢生。蓋屢求之而未曾得者也。初某晨。長姊沙非班冷赴堂訪其神師。不晤。乃詢他鐸。告以昨夜往劇場。而求其有以救之。鐸答曰。夫人是非貿然可救者。必當痛悔告解也。鐸訓語中。其所特誌者曰。女信友。萬不可往劇場以自娛。必也。其夫強與

借焉。又曰：凡汝不願在此等地方。撒手滄逝者。非萬不得已。勿納足也。汝其識之。沙非還告保利納曰：人之誨我者。未嘗有如今日之誨我者也。其聖矣夫。保利納方求一指導者而未得。遂應聲曰：妹亦願往見之。鐸乃聖爾齊哀之一代牧。當講道於下主日內。及期。姊妹二人赴堂聆道。保利納則濃妝豔服。以往堂中人甚衆。是日講道者演講虛華之如何。虛空可危。辭淺而動聽。聖祭畢。保利納請其姊偕入更衣所。徑趨講道者而問曰：神父乎。頃聆神父之道。心感且惑。敢問虛華之有過者。何謂也。神父見問。初見其盛飾也。則猶豫不答。既而覺其瞻視端正。則告之曰：我兒。婦女之虛華。類多在於飾已眩人。而受人崇拜。若土木偶像。然其他婦女之虛華。則在天主雖欲舉其心上升時。而彼方注其全愛於所繫其心者焉。保利納大動曰：神父請給我片刻於告解座。是日爲一千八百十六年之天主聖三主日。保利納生平視爲悔過之第一日也。

保利納受此苦望。望台爾未次有德神父之指示。毅然行於犧牲一切之道。而惟其言語是從。其言曰：汝其謙抑而誠實。獻汝於吾主。以竟成其事於汝哉。於是保利納努力自新。投身醫院中。而爲不治之人。裹瘡疹焉。未幾。聖伯多祿大堂中。見有一妙齡好女子。而衣服樸素。幾不稱其人者。則保利納也。家人見其前態頓改。則不勝惆悵。人且從而譏諷之曰：保利納成狂女子矣。保利納既逆其嗜好。痛改舊習如此。而內則行其克己之功。外則施其仁愛之德。蓋渠嘗爲良家

女子以國事毀家。無以自存者。設栽花場一所。俾不獨有所業。且勗之於善也。一千八百十六年。耶穌聖誕夜。保利納於甫爾。未哀爾。聖母大堂。發終身童貞願。而獻已於主。保利納愛慕聖體之忱。至深且摯。此（補辱耶穌聖心爲人所不識輕視者）一事業之所由創也。自一千八百十七年起。每逢主日。集熱心女工及婢女等。爲之演講。吾主福音。渠蓋欲與彼等於行事中。稍盡補辱之心也。其次姊勞爾夏脫隆。夫人居於聖伐利哀（卽特老末）其夫於此設一縑絲廠。有女工約二百人。雖有二人之嘉言懿行。本堂神父之循循善誘。無如一般無恥女工。仍執迷不化。言行畧無顧忌。天主二字忘却殆盡矣。及一千八百十七年秋。保利納往其姊處少住。衆女工始則怪其改妝何速也。繼則感其一何愛人。至爲貧病者服役。行人所不能行者焉。終則見其淹留於聖體龕座下。歷時良久。不禁爲其熱忱所感動也。保利納欲使此輩女工重識天主。乃先有以得此輩之心。相處既暱。漸加以勸導。此輩遂從風而化也。迨返利翁。復執前役。卽敷治病。人於醫院也。探望囚犯於牢獄也。以及顧視貧窮者於聖伯多祿。聖保加。不二會口也。其父故家於聖伯多祿。會口與聖保加。不會口相近。而此二會口者。祇設婦女善舉部一所。保利納於聖保加。不之貧窮者。尤加之意焉。一千八百十八年之暑假內。保利納復至聖伐利哀。則見其姊之女工。咸恪遵主誠焉。當其居聖伐利哀時。著「切愛聖體」一書。振筆直書。若筆端有神焉。

未完

教育叢談

僉載 (一)江蘇童子軍聯合會。上海及無錫各學校童子軍辦理狀況及教育部提倡推廣等均已畧誌去年第十一期及第十二期本欄。江蘇省教育會自去年六月起設立聯合會。定名中華民國江蘇童子軍聯合會。教育部業已准許備案。該聯合會章程及願詞規律課程。詳見教育公報第四年第十二期。茲不具贅。

(二)師範講習社畢業試驗題目。商務印書館附設師範講習社。發行新體師範講義。並呈准教育部。凡該社畢業生。一律得受檢定教員試驗。已畧誌去年第十一期本雜誌五百零五頁。現該社第一次畢業試驗題目。業已披露。茲轉錄如下。以見欲為小學教員。實非易易焉。

(1)經學(一)高等小學講授論語大義。應用何法。方切實用。(二)試任擬一讀經教授案。

(2)心理學(一)記憶方法均分器械的、理解的、人工的、三種。試就平時教授所得。說明其效果。(二)試列氣質分數比較表。并各註教授訓練之大要。

(3)論理學(一)教授修身。適用演繹法、或歸納法。就修身書中各選一課。說明教授之進行。并列式證之。(注明某書某册某課)(二)試舉社會上謬誤之類。推作用一二則。判斷其所犯規則。

(4)教育學(一)述褒賞與懲罰之利害。(二)小學校中實施美育之方法若何。

- (5) 教授法(一)詳述國文科讀法之預習方法。(二)依講義第三編第二章第三節時間表水曜第三時擬一教授案。
- (6) 管理法(一)依商務印書館出版國民學校用新國文第一三五七各冊各編教授細目三種。(二)試擬一單級學校全校總計表。
- (7) 教育史(一)述教育史與普通史之區別。(二)論清代學制之變遷及其得失。
- (8) 國文典(一)節之作用。分爲起承轉結試言其關係。(二)試任選高等小學國文教科書一課。注明其詞之種類。
- (9) 數學(一)試依左列算題之一。擬編教授案。(1)馬十六匹。於二日間。食料銀四角二分。問馬三十匹。三日間食料銀若干。(2)本三百七十五元。年利七厘。問二年九個月之利息幾何。厘以下四舍五入。(二)代數所用之 a 、 b 等文字。與幾何所用之 a 、 b 等文字。有無區別。其理如何。
- (10) 博物(一)博物講義所述之材料。何者用以教授高等小學。易於領悟。試作細目表明之。(二)博物講義中植物編自第一章至第七章各附簡明表。試依其法而於植物之第八章及動物生理礦物之三編。亦作簡明表以補之。
- (11) 物理學(一)物理學講義所述之材料。何者用以教授高等小學。易於領悟。試作細目表明

之。(二)物理學講義中。分子學、物性學、熱學、音響學、光學、磁氣學、電氣學。其各學之關係及比較。試推闡論之。

(12) 化學(一)化學講義所述之材料。何者用以教授高等小學。易於領悟。試作細目表明之。

(二)化學講義中。分無機化合物。有機化合物。其各物之製法及用途。試核要述之。

(13) 歷史(一)漢唐威震異域。晉宋國土日削。其故安在。(二)元代疆域最廣。而國祚極短。其故安在。

(14) 地理(一)中國各省區之交通。以何處為便利。何處為阻滯。試比較論之。(二)黃河長江。均為我國著名巨川。其利害若何。

實驗 說明第二編於國文教授。已反覆詳論矣。惟教育界發明之新方法。有日新而月異者。則由本欄介紹披露。以備參攷焉。如教育雜誌第九卷十一號。天民君及太玄君所論國文教授。雖與說明書第二編第一章及第二章不甚懸殊。然其中亦有說明書所未論及者。茲節述如左。

(一)縱斷式讀法教授 縱斷式讀法教授之要旨。以每課一單元為本體。因其課業劃分時間。使於各課業。得十分反覆練習。如課朗讀時。但用力於朗讀而止。而每課各方面之課業。悉畢。約需四小時或三小時五小時。

一、教授之方針如下。(甲)注重練習。

(乙)明澈教材主眼之所在。確達其目的。

(丙)澈底注意各課業於各練習之時間。務令爲有意義之聯絡。

(丁)文字語句等基礎之練習。固當注意。篇中段落及脈絡之所在。並宜明澈。

(戊)對於語法及文法修辭上之知識。當選極明確之材料。使合於實際之應用。

(己)確定各學年之方針。並體察學校之方針。對於國民方面。文學方面之教材。尤宜慎重注意。

(庚)教材中左列各項。宜特加留意。(1)形式方面。(a)足以矯正方言。及訛音之口語。(b)平時使用最多之語句。(c)適合於構思之材料。(d)韻文之文學的教材。

(2)內容方面。(a)實科的材料。有益於品性之陶冶者。(b)能增益國民生活上必須之

知識者。

(3)普通方面。(a)統籌全系統而希望各學年分別發達。(b)與兒童將來之實際生活相聯合而引起其讀書之勤奮心。

二、教授案一般形式。

第一次 教材 第某課 全課。

目的 明析教材之內容。爲朗讀教授。

準備 某某種。

教法 (甲) 內容教授

(1) 目的指示 (2) 內容教授 (3) 內容問答

(1) 生字 讀法教授 (書於黑板)

(a) 生字讀法練習 (數次) (b) 全課讀法教授 (c) 生字及

(2) 讀法練習 難字句之讀法練習 (反覆數次) (d) 分節之讀法練習 (e) 綜合之讀法練習 (f) 生字筆畫次序之教授 (g) 書法練習

此時劣等生之讀法練習

(丙) 應用朗讀 應用語句短文之朗讀

第二次

教材 同前

目的 授以字句並全課譯為白話使之習於應用

準備 某某種

教法 (甲) 全課及語句之讀法練習

(乙) 目的指示

(丙) 翻譯

(1) 教材譯為白話以問答法教授 難字難句之譯白話可書於黑板以為練習

(2) 摘錄一段各自解釋

(3) 教材之輪講 (a) 分節以譯白話之練習 (b) 總合以譯白話之練習 (c) 黑板摘寫字句意義之問答 (d) 字句意義之比較

第三次

教材

同前。

目的

爲文法修辭之教授。並課話法之練習。

準備

某某種。

教法

(甲) 練習全課及其語句之譯成白話。

(乙) 目的指示。

(丙) 文法教授。(1) 語法教授。及其練習問答。並應用。
(2) 句法教授。

(丁) 修辭教授。(1) 體裁
(2) 構思教授。及其練習應用。

(戊) 全課之語法練習。

(己) 構思之應用問答。

第四次 教材 同前。

目的 書法教授及其練習。

準備 某某種。

教法 (甲)練習難字句之讀法。及譯成白話。

(乙)目的指示。

(丙)生字書法教授。
(1)難字分解教授。(2)與既習文字之比較。
(3)摘錄生字練習。(4)普通用俗字畧字之教授。

(丁)練習摘述。(1)練習生字及既習文字之摘錄。(2)練習速記。

按是節所述。與說明書第二編第二章第二及第三節。與夫附錄二教授概要畧同。

(二)讀法豫習法。

配分之代時

豫備時代

國民二學年後半期之學生屬之。以教師之指導。於受課前。將本課從事部分豫習。如在家中。先約畧誦習。三學年學生屬之。以教師之輔助。將下屆應受之課。從事全體豫習。即除先習誦讀外。並了解其大意。

練習時代

自由豫習時代

四學年學生屬之。不賴教師之輔助。自將下屆之課。從事全體豫習。並注意於文章之構成法。

用適之法方

教師之指示

適用於二三學年之學生。於休憩時。或放課後。將下屆教材中之新字及新語。與夫難解之熟語。摘記於小黑板。附以音義。使兒童錄入讀法簿。歸家豫習。

優等兒童之利用

適用於三學年之學生。即擇優等生。代行教師提示之事。而教師加以校正。後使兒童抄錄。以為豫習之依據。

教材之豫告

適用於四學年之學生。教師於教授時間之終。報告以自某頁至某頁。或某課宜從事豫習。學生行此豫習。以使用辭書為必要。

按是節與說明第二編第一章第二節略同。

研究

小學生偷竊之研究 (節錄婦女雜誌)

紐約小學校內。發見失竊案多。起後卒查得

係第七級某兩女生所為。該兩女生。出於善良殷富之家。而為此卑污之事。知之者無不震駭。紐約家庭教育研究會。因此開會。該會會員。經多日之討論。將學校內。家庭內。或街市間之兒童犯竊原因。勘破。

兒童初無所有權之觀念。彼見一物。合於彼意。即取之。據為己有。其心理以為凡物皆供其使用。恣其歡樂也。兒童任取他人之物玩弄。成人視之。亦不指其犯偷竊之罪。此種習慣。若不限制。即養成兒童鼠竊狗偷之惡德。故親長見兒童任意取物時。宜當場說明曰。此非汝所有。乃某人之物也。如見其取其兄之玩具。則告之曰。汝勿弄壞。勿藏過。否則汝兄將罰汝。而另給以他種玩具。

任其玩弄。使彼知若者爲彼所有。可自由處置。親長對於兒童。時時施以此種訓練。若是則彼有所有權之觀念。卽誠實廉潔之美德之本也。

兒童之偷竊。所以易於傳染者。率由家庭或社會或學校。對於彼等之情形疏忽所致。彼等見他人行竊。無何等危險。遂相率效尤之一。一般爲父母者。對於兒童行竊。又多不以爲異。譬有某兒告其母曰。我從某同學處。得一枝鉛筆。或曰。我於雜貨車上得一蘋果。其母聞而笑應之。不加嚴責。則此兒童。必益敢於偷竊。且以此矜其能矣。

兒童之所以犯竊者。又多由於其父母。不肯滿足其合理之需要。如某兒得他人所贈與之金錢。爲其父母所沒收。則彼知父母可取彼之財物。彼亦可取父母之財物。又如某女兒見其同伴衣服華麗。彼自顧不及。則將行竊衣飾。使不至相形見絀。又社會各種娛樂場所。林立櫛比。兒童一出其境。每易引起感情。激發慾念。必糜費金錢。以供其游樂。不能滿不欲望。則偷竊之念生矣。

欲解決此問題。當於各小學校。別構種種娛樂之境。以供兒童之所需。例如布置完備之運動場。及游泳池。音樂會。影戲等。俾生徒課餘消遣。而不失進德修業。強身快意之旨。且兒童可不出資而得娛樂。則費用省而奢侈之心無由生。較之出資而入市上戲館游戲場娛樂。害多利少者。相去奚啻霄壤哉。若一學校無力舉辦此等有盆之娛樂場。則合數學校或社會之力以舉辦之。蓋爲兒童節省糜費。免遭墜落起見。此實不可緩也。又兒童嗜好烟酒。不特有害身心。亦足以敗壞

道德嘗見男生吸煙者囊囊一空即設法竊取金錢因以購烟而嗜酒者尤甚故父母師長亦須嚴禁之

按是篇所論語多中肯凡注意兒童教育者不可不知爰轉載如上以供衆覽

範作

詢友人何日放暑假書

尙公小學 鮑慶福作

久不晤面渴念之至謹啟者敝校暑假之期現定

一月邇來天氣頗熱不宜出遊消夏之計當與春假又作別論矣不知貴校於何日放假至期望吾兄屈臨敝地舍間第屋三椽竹籬一角綠槐高蓋足以減烈日炎威屈膝談心消此長夏如能俯允弟當掃榻以待也

情文並茂是書翰好筆墨

按是篇轉錄小學作文入門爲書信體之函牘類見說明書第二編第五章第四節

附諸文 天下者天下之天下也(轉錄某雜誌) 天下者天下之天下也 夫天下之天下即天下也又何必謂天下者天下之天下也耶 問嘗考今之所謂天下者天下之天下也不過代表天下者乃人人之天下非一人之天下之言也 以天下者乃人人之天下非一人之天下之言而簡作天下者天下之天下也 大都取天下之天下易於其得天下也故將人人之天下非一人之天下可畧其人而單獨稱之天下者天下之天下也 不然天下者天下之人所共有非一人之天下也乃不曰天下者人人之天下而曰天下者天下之天下 天下人其亦知今日之

天下之天下事乎。

按是篇爲諧文體。雖僅寥寥二百餘字。無甚精意。然句句不脫題面之字。所用生字甚少。而句意不重複。讀之成文。按之無痕。於無可構造之中。作此空中樓閣。可謂匠心獨具。足爲小學生思想枯窘之藥石。

又按諧文之能開發小學生作文思想。較其他文字所獲成效更大且速。茲自本期起。於範作後附諧文一篇。以助小學生作文思想之勃興焉。非欲以諧文爲小學生之範作也。

法令 (一) 教育廳暫行條例 六年九月六日教令第十四號

第一條 各省教育廳直隸於教育部。設廳長一人。由大總統簡任。秉承省長。執行全省教育行政事務。監督所屬職員。暨辦理地方教育之各縣知事。

第二條 教育廳分設各科。處理各項事務。前項分科之多寡。視事務之繁簡定之。但至多不得逾三科。

第三條 各科置科長一人。由廳長委任。承廳長之命。掌理本科事務。

第四條 各科置科員。每科不得逾三員。由廳長委任。承長官之命。助理各科事務。

第五條 教育廳設省視學四人至六人。由廳長委任。掌管全省教育事宜。

第六條 教育廳委任科長科員及省視學。均須呈報教育總長。並省長查核備案。

第七條 教育廳爲繕寫文件得酌用雇員。

第八條 教育廳處理事務細則暨各科員額分配俸給數目由各該教育廳長按照本省情形詳細擬訂呈請省長咨由教育總長核定。

第九條 本條例自公布日施行。

(二)檢定小學教員規程(續六年十二期)

第二十九條 凡經檢定合格領受教員許可狀後遇有變更姓名籍貫或毀損遺失等情事時應詳具理由陳請受驗地之行政長官換給許可狀陳請換給許可狀時應納費一元。

第三十條 凡經檢定合格領受教員許可狀後有第十一條第一第二欸情事及其他不正行爲玷辱學校名譽者受驗地之行政長官得褫奪其許可狀

附則

第三十一條 預備學校教員以依照本規程檢定合格者分別充之。

第三十二條 京師地方檢定小學教員事務由教育部所屬學務局處理之。

第三十三條 各省區因特別情形須展緩該管地方全部或一部之檢定者得由行政長官咨陳教育總長檢定之。

第三十四條 本規程自民國五年八月一日施行(表式從畧)

已完

近事 羅馬之部

○教皇勸告交戰團媾和書發表後。英文報界中頗有譏評教皇袒護德奧方面等情。英京總主教樞機蒲爾納公 (The Cardinal Hurrell) 另自製序文於勸告媾和文之上。聲明各報界之誤會。以爲教皇勸告各國媾和。乃其代表吾主耶穌平安之王之天職。媾和條件之是否可行。尙在磋商之中。奉勸本國人民。萬萬不能以小人之心。度君子之心。謂教皇有袒護德奧之心云云。不拘何人認識教皇之居心者。從未生此肆口雌黃之妄念。蓋教皇所稱之媾和。乃一公正及永久之和平也。○教皇之勸告媾和書發表後。德奧布土四國皆有正式公文覆答教皇。口稱歡迎教皇之雅意。○聖教新律本頒行後。每有人發起疑難問題。今教皇命開一註解新律本事務局。將種種疑難。逐一註釋。以期劃一實行。○德國主教全體正式奏明教皇。感謝教皇發起媾和之文。教皇覆諭。勸自今以後。各主教竭力以新律爲奉行必要之圭臬。凡事就正律本。方得永久和平之成效云。教皇又許以阿里伐油特贈德國各主教。爲明年祝聖聖油之應用。○教皇機關報載。謂前日各報嘗登有日路撒冷主教加馬賽伊公 (Mgr. Gannasson) 爲土政府捕獲。遠徙於某地。已有二年之久等情。此等謠言。毫無証據。况近日接到該主教來函。謂甚形安靜云。○教皇御座審判廳。於十月十六日開庭辦事。清晨先行聖神降臨彌撒。於聖保祿小堂。審判員十二位大臣及廳中參事錄事律師等。皆一律到堂與禮。并皆覲見教皇。○聖母室靈選之瞻禮。及其日課彌撒等經文。教皇傳諭命意。國全境皆宜奉行。此瞻禮按雙紀大號之

儀式。Rite du Double Majeur 別國男女修道會。凡求教皇願行此瞻禮者。教皇一律允准。○司鐸扶助教宗及聖教會之正會長主教奧徐現公。Mgr J. Oudin (見本雜誌第二年第八期第三百十二張) 近接教皇覆諭。賀其擴充該會。不第通行於司鐸神品班之中。并竟有招致非神品班之人。一律爲教皇及聖教會求主。且事之以服從宗座爲目的。自歐洲開戰以來。仍竭力進行。不稍懈怠。殊屬可嘉。并將一切賑災恤民之物件。捐助教皇。送至戰地拯救貧困。朕不勝欣慰之至。云茲將該會大事錄所載之非神品班男女會員入會簡章。譯載列下。(甲)男會員部簡章。(一)凡時常公私顯露信德。及在行事中。證明其爲最善良之公教友。堪爲表率者。概得入會爲會員。(二)會員每日應爲教皇。熱心念天主經。聖母經。及聖三光榮頌各一週。每主日爲教皇望彌撒。並領聖體。至少各一次。每年須行避靜神工。至少三日。(三)會員須以最大之愛慕心。歸向教皇。並以行事證明此等公私顯露之愛慕心。尤須完全服從教皇聖意。雖至受流血之痛苦。亦所甘心。(四)凡當今教皇頒布闢斥近世謬說之文件。其最要者。爲前教皇庇護第九頒布之西爾辣蒲斯。以及宗座通諭羅瑪所發出之各種通告。排斥現今社會中橫行之自由派。卽非激烈者。以及新學派並僞國民學識。有危害之謬說。會員應竭力設法推廣尊重。(五)會員對於公教自由派。或畧含新學派意味之報紙。不特自身亟宜戒絕披閱。並應竭力設法勸阻他人閱看。其屬下之人。尤須注意。至於純粹之公教報紙。則扶助其發達推廣其風行。擴張其組織。(六)會員在任何

地方上任何事業中。遇有機會。宜發表相宜之言論。以保護聖教會與教皇之職權。卽一面排斥。一面擁護。天主賦與聖教會與教皇之命分。卽在社會中。亦應服從其聖意。又宜一面排斥。一面設法。使各學校幼童青年。按規學習要理。各修道會神聖之職權。不遭侵犯。又因聖教仇人。故意默不作聲。使教皇宗國問題。漸形忘却。故當隨時各自盡力。務使大衆明悉前教皇庇護第九所發反對排斥之言云。當今教皇受制於仇人勢力之下。度日。豈所能堪。洵爲至理名言。確切不移之論。(七)每會員每年至少奉獻十二法郎於教皇。由會長轉呈。此項奉獻。發願與否。雖可不拘。然若能發願者尤佳。(乙)女會員部簡章。(一)與男會員部同。(二)與男會員部同。(三)會員須以最大之愛慕。施諸教皇。不僅口舌空言。並以行事證明其真實發顯此愛心。尤應以兒女之聽命服從。施諸教皇。(四)會員爲實行遵守上條之規則。當致力研究明悉教皇所頒各種文件。關於近世橫行之謬說者。又公教進行會。宜指導及提倡。又凡含有自由派及新學識氣味之報章。當禁止披閱。凡純粹之公教報紙。宜設法扶助推廣。(五)會員不可忘却此原理。教皇爲執行其義務及職權之必要。上有至上之權限。及完全之自由。故當留心。切勿隨口出言。或反對或忘却。聖教會及教皇之職權。若遇有機會。不可畏葸。宜竭力擁護之。(六)會員當竭力設法。使幼童青年。及屬下諸人。熱心信奉公教。受公教教育之薰陶。故毋令兒童入無宗教學校肄業。以其中公教道理。或廢棄。或不全。或反對者也。如果不能。至少使青年在校外或畢業後。補習聖教道理。又

須留心禁止青年閱看引入歧途之報章書籍。蓋現世社會。方以種種方法。引誘青年子弟。走歧路。以消滅其宗教信德及潔德。故不可不防也。(七) 與男會員部同(注意) 一、此非神品班會。與普通會同。為神品班會中附設之一部分。隸於本會總長管轄。二、凡欲入會為會員者。祇須向本國總長接洽。三、凡暫未立定本國總長之地方。當向總會會長接洽。(按司鐸扶助聖教會及教皇會(譯意)亦稱萬國司鐸聯合會(中文名稱)該會中國總長暫推山西成捷三司鐸伯多祿擔任。萬國司鐸聯合會通啟見本雜誌前年第九期。又該會機關報。載有該會紀事一則。畧謂本會既蒙天主洪恩。又承已故發起本會諸君在天助佑。當此時事多艱之秋。不獨得以保全故態。且日有進境。現在各國均有日新月盛之概。而於意國。本會之發展尤為特甚。誠令人歡慰者也。且中國各省地方。得美城安多尼公學校長成司鐸伯多祿之鼓吹。已知本會成立於該處矣。甚望該處歡迎本會。以行有神益有功效之事業焉云云。○西班牙駐羅瑪教皇處之使臣勃耶凶公 M. Calbeton y Blanchon 向本國政府辭職。政府允之。以現為俄京之大使侯爵維拉新大公 Marquis de Villasinda 調駐羅瑪。辦理與教皇交涉事件。

本國之部

○直隸 來函云直隸東南天主教總堂。在獻邑城東三里許。其西北兩方

面。距沙河十餘里。當陰曆六七月間。河西北兩岸。均遭潰決。一片汪洋。田廬淹沒。慘苦之狀。難以言喻。東堤亦岌岌可危。因大衆之請。願總堂借與槍枝若干。不分民教晝夜輪班看護堤岸。以防

匪人潛行決口。是以河之東南一帶。東西長百餘里。南北廣十餘里。未被水害。而獲秋收。城鄉紳民。羣感總堂惠德。爰於九月十五日。會合四十餘村代表。齊赴總堂。鼓樂喧天。恭送馬澤軒大司牧。匾額一方。文曰：功效宣防。院長于恩普及。耶蕭劉四位司鐸。接待來賓。馬司牧早在客廳靜候。來賓齊向司牧行三鞠躬禮。表示感激恭喜之情。司牧對來賓道謝一番。並款以茶點。賓主盡歡而散。民教輯睦。於此可見一斑。初庚子拳亂後。闔邑紳民。曾公送馬司牧匾額一方。文曰：德洽鄉閭。洵可謂後先輝映。馬司牧之盛德。感人大矣哉。○吉林 長春天主堂。為擴充教育。發展公教起見。曾經本管主教准立高等小學校一處。並經教育部批准立案。自該校成立以來。已六年於茲矣。學生共分四班。高等國民各兩班。國民班畢業。領受國家文憑者。共有二十餘名。就便升入該校高等班。去年暑假。高等班畢業者七名。既領有證書。即可升入中學師範等學校。該校校長施德君。現擬再招集高等國民各一班。以為培養中學師範。及別項大學人材之基礎云。○四川重慶崇實報出版發行。歷有年數。名譽價值。夫人知之。不待復贅。現該報自本年始。變更辦法如下：(一)篇幅增刊半張。(二)紙張以現用之紙張。價值昂貴。行將改用本省紙。(三)名目附張改稱第二張。(四)材料第二張材料。不論教內教外要聞。均為採錄。以前附張。專為教內訂閱。以後第二張。不拘教界與非教界。一律送閱。(五)價目第二張與第一張各併出售。不另取費云。○萬縣白土壩地交雲奉利崇山峻嶺。風氣閉塞而不通。自前清光緒年間。始有奉聖教者。然信徒

寥若晨星。適大足縣余匪棟臣肇仇教之禍。此地因之風波四起。乃熱心教士勇往直前。救人心誠。不遺餘力。且苦口相勸。不憚唇敝舌焦。信民乃日見加增。至民國元年。川東舒大司牧出巡。蒞此。見信友擁擠。堂無容足地。仁心大動。恩准出銀千餘兩。另建聖堂。本堂司鐸羅功報於民國五年六月。承奉上峯命令。始鳩工庀材。經之營之。雖世亂紛紛。遍地荆棘。然倚賴聖母宏佑。不畏阻力。僅年餘而工已告終。當詳聞上峯。旋蒙准於九月十七日。行聖堂大禮。不幸時事多艱。而上峯因故不果來。惟期已早定。賓客雲集。不得不於是日舉行落成禮。屆期本堂所屬教友紛紛來堂。贈送玻璃燈。抱對彩匾各儀。甚為踴躍。來賓有永川王司鐸。鄰村龍駒壩王司鐸。帶同學生。均着軍衣軍帽。吹洋號。執國旗。沿途奏樂。莫不中節。臨堂軍樂齊奏。行賀禮。呈賀儀。所贈對匾花瓶玻璃燈等物。陸離可觀。來賓赴席後。盡歡而散。○陽曆十一月二日。重慶各天主堂行追悼歐戰陣亡兵弁禮。已誌本雜誌去年第十二期。五百六十四頁。茲探悉舉行盛禮之詳細情形。續誌如下。是日午前九下鐘許。各界已先後戾止。靜候堂內。迨主教舒公駕到。堂內人士均起立。以示敬意。主教當堂着黑色祭服。畢。即開始恭獻彌撒聖祭。輔祭之五六品。為石夏二君。贊禮者。為納副主教。均着黑色祭服。堂內一切陳設。一律以黑色為主。頗足增人悲感。至所唱經文。其意味。其聲調。如怨如慕。如泣如訴。聽者不禁情動於中。左司鐸撫琴。鄧司鐸領唱。均各奏其固有之技能。大有餘音鳩鳩。不絕如縷之概。來堂與禮者。除城內教友不計外。有駐渝各領事暨各重要西人。

紳商各界到場者亦衆。另有城外神學大修院修生爲唱經隊，及啟明學堂學生十餘人，充當音樂隊。彌撒畢，主教行祝聖喪柩禮，與禮者，觸目警心，無不動容。禮畢，各來賓始散去。是日陰雨纏綿，道路泥濘，而來賓之踴躍如故，有足多矣。○山西 山西兩境主教教區，一千九百十六年至一千九百十七年教務調查一覽表如下。主教一員，西司鐸二十七員，俱荷蘭方濟各會士。華司鐸十一員，計潞城縣人四位，長治縣人三位，屯留縣人一位，壺關縣人一位，晉城縣一員，原名鳳台縣一人。洪洞縣人一位，修道院大修生七名，小修生二十六名，開四規處所，四百五十三所。公教教友，二萬七千零七十九名，大堂五十二座，小堂二百零七座。大人領洗者，一千二百八十二名，小兒領洗者，一千一百四十七名。領堅振者，一千三百三十八名。四規告解，一萬七千四百九十八人。熱心告解，十二萬八千三百八十八人。四規領主，一萬七千五百九十五人。熱心領主，十七萬九千九百六十五人。婚配者，二百二十七名。講道，五千九百八十八次。男公學，二處。一名聖安多尼公學，學生三十四名。一名聖伯多祿公學，學生四十四名。附設女學校一所。名母心女學校。蓋以聖母聖心爲主保故名。大小女學生，計十二名。經言男學生，二千一百八十四名。女學生，一千六百五十五名。保守者，六千二百八十八名。領洗小兒，一千一百八十二名。收養嬰兒，五百七十九名。以視上年，進步良多。又河東新傳教區梅申二司鐸報告，目下該處奉教者，日見增多。諸事順遂，官紳學界，均極融洽，莫不重視宗教云云。○廣西 自一千九百十六年七月一日至

一 千 九 百 十 八 年 陽 曆 一 月

一千九百十七年七月一日。廣西教務一覽表如下。西神父，二十一。華神父，八。位。會口，一百二十一。處。傳教先生，十三員。教友，四千九百四十二名。外教領洗，一百十九名。教友嬰孩領洗者，一百七十名。誓反教領洗，二名。成人臨終領洗者，六十三名。四規告解，一千八百二十九。熱心神工一萬一千一百四十二。四規聖體，一千六百八十九。熱心聖體，三萬六千六百二十二。堅振，二百零八。婚配，三十八。終傅，三十九。臨終聖體，十六。經堂，四十四座。保守者，三千二百二十名。修道生，十六名。養老院，五所。收養男女老人，共十八名。又嬰孩會善士，計付洗先生十二員。外教嬰孩領洗者，二百九十八名。孤兒院五所。收養男女嬰孩，三十名。男女小學校，三十九所。男女學生，四百五十五名。男女教習，三十九名。施藥局，二所。○湖南。公教大司牧文君煥章。歐之意國人也。自前清光緒二十八年。來華傳教。迄今十有餘載。芳聲卓著。仁愛性成。而敷教於衡永潭鄉。瀏醴等處。不憚勞心竭力。講道開堂。終日奔走不倦。且又成立潭鄉醴之公教進行會。創設醴陵縣之善終會。並開辦育才開智崇道三學校。及光榮子女實業教練所。種種美舉。非本諸愛主愛人之熱忱。曷克臻此。况公博物窮理。推誠布公。所到之處。不但教務蒸蒸日上。即紳商學政各界。莫不倍切歡迎。迺者陰曆十月初一日。適公四旬榮慶之辰。聞風赴賀者。雖遠如鄉醴各縣堂教友。均皆不約而至。車輛盈門。甚形擁擠。潭堂內外。擺設奇珍古玩。錦彩鮮花。燈燭炫煌。光輝奪目。堂門首高懸五色國旗。學校前亦豎本校旗幟。層層布置。壯麗非常。其送禮上壽者。教友不計其數。潭邑

士紳恭送金漆匾額一方。文曰：德孚中外。陸軍參謀陶君忠恂。書送壽聯一副。聯曰：大教承天運。盛德獲修年。潭之易俗。市紳商恭送匾額一塊。雕刻精美。書曰：海日增輝。是日彌撒後。請公出廳祝壽。除男女教友及女校學生。並紳商政各界外。其最整齊者。則又有育才學校全體學生。均操衣操帽。洋鼓洋號。振鈴擺隊。依序入廳。分列數行。脫帽行三鞠躬禮。唱祝壽歌。其時鼓聲琴聲歡笑聲。爆竹聲。聲震遐邇。令人嘖嘖稱許。不置。祝壽畢。仍舊整隊返校。是夕。燈花燦爛。演劇誌盛。觀者如堵。次日大宴來賓。旨酒嘉餚。直飲至杯盤狼藉。始盡歡而散。尤可奇者。令辰前日。天猶陰雨。路則泥濘。赴會者不免有行路艱難之嘆。詎至是日。風清氣暖。紅日高升。謂為天主之眷顧。我公豈不信然。○山東 魯省掖縣北鄉西繇鎮滕家溝等處。奉教熱心之家頗衆。惟所有聖堂均已舊敝。煙台羅大司牧。決意在西繇興建西式老瑪利達大堂一座。業於民國五年春間撥銀數萬元。掖縣熱心教友。復獻助數千元。遂鳩工庀材。從事建築。閱十餘月而工始告成。以基利斯督萬王之王。名其堂。旋擇定陰曆七月十一日。即羅大司牧聖鐸品二十五週年銀慶日。舉行祝聖大堂。羅大司牧於前二日。蒞臨西繇。有司鐸十餘員扈從。十一日晨九點鐘。先行祝聖大禮畢。主教行大禮彌撒。五六品輔祭。音樂聲。唱經聲。鞭炮聲。聲震遐邇。午後三點鐘。舉行聖體遊堂禮。及聖體降福禮。晚筵後八點鐘。乃舉行慶祝主教銀慶大典。主教高坐於樓前。衆司鐸及縣知事代表。環坐左右。掖縣衆教友舉代表。於主教座前。恭行三鞠躬禮。朗誦祝辭。旋由衆教友。又舉行提燈會。

並試演電光影戲。熱鬧異常。○浙江 温州教務。近數年來。發達非常。瑞安。平陽。分設總堂。各有司鐸。常駐其地。永嘉。兩縣總堂。原在永嘉。駐有司鐸五員。邇因教友人數日增。議建永嘉分堂。並擇定永嘉縣之水場地方。爲該分堂之地點。而樂清教友。多以爲未便。特稟請本堂馮司鐸將該分堂。改設在樂清虹橋云。○華波趙主教。對於籌款賑災等事。素具熱忱。前數年浙紹海嘯巨災。蒙該主教廣募賑款。全活災民無數。近因天津大水爲災。特發通告。知會浙江各會口教堂教友。代募賑款云。通告從畧。○江蘇 民國六年十一月十九日。爲崇明外沙母佑堂朝拜聖母慶辰。是日天氣和煦。風不揚塵。教友自四方來者。較前衆多。小車盈千。帆船數十。司鐸共十一位。四下頭臺彌撒時。領聖體者。已達六百。後繼續彌撒。送聖體。至鐘鳴八下。正臺彌撒。崇明總鐸那公。主祭。南通本鐸張公演說。洋洋數千言。句句動心。後五六品聖體降福。以海門總鐸山公爲正祭。中間用辣丁文朗讀。奉獻衆教友於聖母誦禮畢。鐘鳴已九下。有半教友多有長跪不起。宛若依依。不忍離別慈母云。總計是日領聖體者。得二千一百名。在堂教友。不下三千餘人。可謂盛矣。○上海 拯亡會修女會。爲天主上智姆姆發起。創立於一千八百五十六年。在法國巴黎。以法國耶穌會傳教士之贊助。克告成立。該會本旨。爲拯救亡靈。而其他扶助貧苦附焉。初創之時。並不著名。一千八百六十七年。羅馬教皇召集普世主教會議。江南耶主教奉召赴會。迨閉會後。返自羅馬。詣法國巴黎。請拯亡會修女。東渡來華。扶植女界。當蒙該會會長。慨然允諾。選派修女五位。

來華組織拯亡會修女會。內二修女。於是年十二月五日抵上海。三修女於翌年一月繼至。先在王家堂居住學習華語。一面興工建築屋舍。旋於一千八百六十九年春。遷入聖母院新舍。成立以來。成效卓著。彰彰在人耳目。民國六年十二月五日。欣逢拯亡會修女來華五十週年金慶。良辰。特於下午二時起。由崇德女校學生開紀念游藝會。以感謝江南公善牧。目次如下。一。鋼琴合奏。旋演法文劇第一幕劇名。吾主所至之處。我亦隨往。取法后瑪加利大行實內之一斑。劇情從畧。二。鋼琴及絃琴合奏。三。中文諷諧短劇。既而續演法文劇第二幕。四。鋼琴風琴及絃琴合奏。五。中文諷諧短劇。旋續演法文劇第三幕。終為舉行恭獻五十年事工於聖母全體公唱法文慶祝歌詞。院長顧公。乃於是時起立代表耶穌會士全體演說。繼由潘司鐸秋麓起立代表江南教友演說。大旨皆讚美拯亡會成績優良。並祝其在後五十年中。更進步而更發達也。計是日女賓到者。甚形擁擠。而諸生奏琴演劇。操技優美。各盡其能事。觀者莫不嘖嘖稱讚。鼓掌之聲。不時起於四座。迨禮畢散會。日已銜山矣。茲將該會來華五十年之成績列表如下。以供衆覽。俾知拯亡會修女會價值之一斑焉。一。付洗兒童。十五萬一千六百四十六。付洗成人。一千四百三十三。初領聖體。三千六百四十。婚配孤女。一百十六。堅振。一萬零一百六十二。告解。六十九萬四千一百二十三。領聖體。二百七十四萬七千六百六十一。慰願病人。十二萬八千七百五十三。診治病入。一百十五萬二千五百七十。勸導。二萬零二百五十。要理。一百十三萬四千五百四十五。婦女保守。

三千三百零四。反正二百九十。發誓棄絕異教。一百零四。外國育嬰堂學生。一千。洋涇浜聖若瑟女校外國女生。一千六百五十六。聖母院中國女學生。二千六百七十六。啟明女校中國女學生。八百七十。聾啞女孩。七十二。通學生。四千。接收哺乳嬰孩。三千五百。工藝局女工。二千一百六十。六孤女孩。一萬三千五百五十九。女學生中進各修會者。共四千一百十。按縱觀以上各種成績。若是之多且衆。不能不嘆服欽佩矣。

外國之部 ○法國 昔日法國公教最有名之機關日報曰普世報者。Univers 歐戰之初。即行停版。以後每月嘗出一期。改爲月報。近日又改爲星期報。每主日出一期。該報專以保護聖教會。攻訐異端。謬說爲宗旨。巴黎總主教。見該普世報。重行出版後。特致書前賀。以示優寵。○法國公教農會支部於十月七日。開大會於阿爾仁大。Argentina 是日午後二下二刻。先行奉獻全體於耶穌聖心之禮。繼而演說本會之進行及擴充諸法。頗稱盛事。○法國伯勞埃味耳地方公教學校修會 Freres des Ecoles Chretiennes à Ploemel 建立後。已臻七十週年。先是於一千八百四十七年。由修士若望瑪利亞拉末乃君。Frere Jean Marie de la Menais 爲第一發起人。創成修院及其學校。十年後。學校增至五十七所。修士一百五十七人。學生六千人。至法國政府驅散該修會時。共有修士二千人。學校四百六十所。學生七萬五千人。可謂盛矣。○鮑耳道總主教樞機盎特利遠公。le Cardinal Andrien 頒發讀教皇勸告各國媾和文書後之諭。畧云。教皇之勸和書。雖其命意光明。

正大措辭和藹可親。然反對譏評者頗不乏人。或曰此文來自羅瑪。故不愜意。此仇教人之言也。或曰此文不足盡合我等愛國之心。故不愜意。此愛國人之言也。然兩等人皆紛紛聚議。謂教皇是否有提倡媾和問題之權。是否有居間調停之權。本主教經此一問。徑可宣諭屬下信民曰。教皇實有提倡媾和居間調停之權。因戰事問題。與風俗道德問題。有密切之關係。此事是否合乎道德。是否有碍風化。惟教皇有糾正指示之權。以故教皇不第以調停爲其固有之權。且因關其職守問題。宜其從中提倡呼醒也。戰禍之劇烈慘酷。若爲不得已之緊要重故。皆暫爲輕許。任其蹂躪。然一旦別有改正復原之機會。使歸舊日情形者。則以後之兵燹蹂躪慘劇。執政諸人對於國民對於天主。自該負其責任。以後歷史上。或留芳。或遺臭。大有關係。不可逞一時之忿。禍害國民也。教皇欲呼醒秉國鈞者。負此重大職任。故不憚苦口箴言。提倡媾和二字。彼之對於各國元首。並不自處於居高臨下之地位。亦不自認爲審判長。彼願自處於居中調停之地位。請兩方交戰團兩相情讓。以趨於適中妥洽之處。竟得一永久和平之法。此次媾和之開議。先從退出佔據敵國境地入手。其是否應賠償損失與否。宜察佔據之理由。是否爲公正合理。然後定其條款。其已據之亞爾撒斯及老撈納二省。脫利埃斯脫省。脫耶登省。亞爾默尼境。波蘭等地。爲永久和平起見。皆在歸復舊狀之內。此與協約國之主張。並無抵觸也。教皇又申斥武力主義之非。勸各國同時減除武力。惟存保衛地方治安必要之軍隊。此豈有違碍我等永久和平之目的乎。居中調停

之人。彼所能勸告兩方面者。至矣極矣。教皇又擬設一至高裁判廳。公決各國嚴重交涉之大局。以免戰爭之禍。凡不聽其裁判者。各國羣起而攻之。以防奸險者。橫行不道。再者。教皇爲各國教民之公衆慈父。彼之職守。先重大局。不能偏袒一國。故至今某國所有之過惡罪孽。不能公然揭示天下。蓋其慈父之職位使然也。總之。教皇提倡媾和二字。乃本諸慈愛及職任而來。良心有所感觸。卽行宣布天下。本主教所注意者。勸屬下諸信民。善體教皇之心。加倍祈禱。昔如第德之克復白都利城也。先命邑人及城之官長。用心祈禱。及多行守齋補贖等功。然後以一女子而驅逐敵人厄斯德爾。亦然。先勸國民通行祈禱補贖等功。今我國人民。亦宜一律苦懇哀禱耶穌聖心。彼耶穌聖心。旣救我等於開戰之初。則其最後戰末之結局。未必盡虛我等之望也。惟我國元首。素與天主爲仇。不知何日天主亦肯呼醒此等仇主政府。一如當日呼醒沙祿之於往大瑪斯城之時。使我法國元首。由馬上跌下。認罪求饒。然後天主。又可舉其爲特選之器。洋溢聖名於普世云。○瑪竇神父於傳揚聖心王於家庭（聖心王於家庭禮節見聖心報去年第十二期）之初年。法國首先實行者。乃貧困工人界。非上等社會人也。茲據瑪竇神父報告云。有夫婦二人。作工度生。於婚配之日。卽請余行聖心王於家庭之禮。余允之。後數年。余已全忘前日之事。人請余入此工人家。見夫婦二人。皆患病甚重。家中頗形窘困。余入門時。最足觸余感覺者。見房中至高處。供有耶穌聖心像。旁有鮮花等物。余問婦人曰。汝等何困苦若是。婦曰。否否。神父誤矣。我等毫無困

苦纏身也。我等遭此逆境艱難固也。然非爲真困苦也。我等常有耶穌聖心爲之作伴。困不得爲困苦不得爲苦矣。我等有啼哭之日。固也。然有聖心爲之在旁伴哭。我等之苦不得爲苦矣。蓋聖心之苦常爲我等之安慰。神父呼我等爲困苦中人。誤矣。苦不能困我等也。我等有聖心在我家中。幸福甚大。禍患其何自來哉。噫。若此者。真可謂欽敬取法聖心之人矣。○法國公教報界聯合團。目下共有三百餘人。設總機關於魯益城。十月初開大會。由監會司鐸讓肥君。E. P. Janvier 舉行彌撒。演講誦玫瑰經之要則。午正開宴。席中上客。如前任比國外交總長達味濃君。Henri Davignon 師長賈農熱君。Canonge 血爾飛君。Cherillis 侯爵安都阿爾君。Baron d'Anhouari 濟濟一堂。極稱盛事。

○日本 大阪主教致函於傳教會雜誌總理云。去年爲日本苦修院建設後第二十週年。溯二十年前初次創立修院時。修士共有九人。今則共有修士三十七人。內歐人九人。日人二十八人。若日本無徵兵之律。則進會更將日盛。近日修院已見太小。大約不日復將擴充制度矣。○斐洲 那達耳主教特拉耳公。Mgr Delalle, vicaire apostolique de Nairi 來函云。近日敝女學堂中。一幼女名亞加大。素耳者。Agathe Cele 甚爲熱心。德表出衆。其父未進教。經人旁勸一味推辭。推其故。因其酷嗜杯中物。旁暮肆口劇飲。不醉不休。又有三妻。皆不肯休離。惟彼准其女領洗。且受公教教育。以爲其女經修女輩之栽培。長成後。他日出字於人。可索聘金至十二牛之多。該處平常女子聘金。只值八牛之價。亞加大見父固執不肯奉教。多行祈禱。求主俯聽其求。一日亞加大有小寒疾。

至此忽生一念。以爲求父進教之洪恩。非平常祈禱所可蒙允。今有一計。將此生命獻於天主。求賜其父進教。適神父往小女處慰問。彼面有喜色。謂神父曰。神父。我父將奉教矣。我將瞑目矣。神父問曰。汝何言哉。予不悟汝言。曰。神父。汝嘗訓人曰。耶穌爲愛人之故。犧牲己之生命。以救我人。今日我欲效法耶。蘇。我亦獻我生命於主。以救我父。奉教認主。我覺天主已允我求。我不日將死。而我父必得救靈也。數日後。老父赴外教人之宴。飲酒甚多。昏迷不省人事。人謂其已死矣。繼而開目告人曰。請一位神父來此。及神父趨至。訓以緊要道理。然後爲之付洗。即日平安而死。亞加大聞父領洗而亡。大悅。同日亦面帶笑容而亡。想必見父靈於天堂。實以其生命之價。以易得之也。○馬達加斯加爾島耶穌會司鐸布念君 R. P. Pougnet. S. J. 函稱主人迷信夢兆。天主借夢兆以助人奉教。據云。該處一本地老人。本爲奴才出身。經傳教先生之苦勸。終不能挽其迷信邪神之心。此人一日自述進教之理由。甚爲奇怪。據其自言云。余夢遊於孟高勞河之上。忽被一鱷魚所攫去。拔我入水。余大聲呼救。無人來救。該鱷魚緊緊銜余。毫不鬆放。於是余口念耶穌。教人之經文。以期救命。豈知仍無效果。乃忽想手作十字聖號。此等十字聖號。前日已知者。專爲效法天主教人。以期取笑於人而行之。今此次誠心行之。鱷魚遂置余於海濱。任余生回。余始悟耶穌教人之不能救靈。決意改入天主教矣。

中外大事表

十一月廿一日特任郭宗熙為吉林省長 特授陸世儲以勳三位 命令組織中央勸業總行 王士珍辭兼陸軍總長 段祺瑞再上辭總理呈 梁啟超林長民湯化龍再上辭職書

廿二日國務總理段祺瑞辭職照准以汪大燮暫行兼代 財政總長梁啟超給假以李思浩暫行代理部務 屬黨青給予二等文虎章○俄國前敵總司令杜柯林將軍因反對議和罷免以克里倫柯繼之

廿三日沈雲沛給予一等大綬嘉禾章 王揖唐給予一等文虎章 馮河間電岑西林出任調停

廿四日倪嗣冲電贊成由王士珍出組內閣 陸榮廷電請恢復舊國會 岳州受攻

廿五日馮河間電召曹錕倪嗣冲入京商和局 張爾儒通電排馮 譚浩明抵長沙

廿六日馮河間邀田文烈組閣未允 汪大燮上書辭職 湯化龍請批准辭呈 甯波獨立 楊善德命童保暄往攻

廿七日黑龍江財政廳長王丕煦辭職以董士恩繼之河南財政廳長張一鵬辭職以蔣懋熙繼之 王士珍謁馮河間允任總理主調停時局 上海盧護軍使因甯波獨立

... 中外大事表

下令戒嚴

廿八日曹錕入京 段祺瑞訪日使聲明由王士珍出組新內閣外交方針不改變 馮河間訪徐世昌商組內閣事

廿九日梁啟超赴津 駐湘第八師電請懲辦傅良佐 熊希齡由津入京謁馮河間○法國巴黎協約國聯合大會開幕

三十日暫代國務總理外交總長汪大燮內務總長湯化龍 財政總長梁啟超司法總長林長民教育總長范源廉農商總長張國淦辭職均照准 特任王士珍署國務總理 甯波獨立取消 伍廷芳抵廣東

十二月一日曹錕出京 特任陸徵祥為外交總長錢能訓為內務總長王克敏為財政總長劉冠雄為海軍總長田文烈為農商總長曹汝霖為交通總長江庸署司法總長 參謀總長王士珍辭職以蔭昌繼之 唐紹儀抵廣東

二日曹錕張懷芝電反對調停 荊州宣布獨立 吳光新離川東下

三日李純王占元電速頒停戰明令 曹錕張懷芝等在天津開會議主出師征討西南 唐繼堯派張子貞代表入京○巴黎協約國聯合大會閉幕

四日特任傅增湘為教育總長 特任趙倜兼署河南省長

中外大事表

任命靳雲鵬為侍從武官長 黔軍攻取重慶
 五日國務院秘書長張志潭內務次長蒲殿俊財政次長金
 還辭職以悼寶惠沈銘昌于寶軒繼之 任命張一鵬為
 司法次長 任命王克敏兼鹽務署督辦並暫行兼署中
 國銀行總裁○俄德停戰會議開幕
 六日特任劉存厚為崇威將軍仍留四川會辦軍務 馮河
 間派段芝貴赴津疏通主戰派 海軍部與丹麥商人訂
 無纜電臺借款約中外咸反對○葡萄牙國發生革命
 七日俄國極端派在哈爾濱騷擾 新內閣開第一次會議
 特任湖南省長譚延闓兼署督軍○靳雲鵬曲同豐親
 見日皇 俄國極端派特羅資基氏已委烏里資基氏辦
 理國會選舉事宜
 八日陸榮廷代表彭允彝抵甯 西南攻圍軍隊出發○南
 美厄瓜多國已與德國斷絕外交 葡萄牙革命獲勝政
 府已職辭由柯斯太氏出組臨時政府黨人領袖即前任
 駐德公使裴斯氏已加入
 九日任命錢能訓督辦京都市政事宜 王士珍派員請黎
 一 陂調停時局○俄國社會黨中一部分反對媾和
 十日江蘇省議會臨時會開幕 江蘇教育廳成立 關廣
 麟王景春均晉給二等嘉禾章 海軍部與丹商商議取
 消無線電借款約
 十一日靳雲鵬由東京起程回國 唐繼堯電贊成調停
 湘省雙方停戰○葡萄牙總統因不允退位已被拘 巴
 拿瑪向匈宣戰
 十二日江蘇省議會通電全國請雙方停戰 任命楊慶堃

為江西財政廳長 政府命吳省派兵赴哈爾濱鎮壓
 ○羅瑪尼亞已任命泊里桑將軍為羅軍統帥與敵人休
 散 俄國極端派與反對派決裂開戰 俄國參議院解
 十三日特派郭則真為文官甄用委員會副委員長 法代
 理訪陸徵祥商出兵問題 馮河間派張紹曾赴哈爾濱
 攷察現狀
 十四日馮河間王士珍邀段祺瑞入府議時局 陝西民黨
 圍攻督軍署 粵軍攻汕頭
 十五日王士珍電召鈕永建來京 政府提出國會組織法
 及選舉法修正案交臨時參議院 派曹錕充第一路總
 司令張懷芝充第二路總司令 龍濟光通電就巡閱使
 職
 十六日俄使宣告與極端派脫離關係 國際委員會議決
 出兵赴法助戰 協約國公使歡迎政府派兵赴哈○俄
 德休戰條約業已簽定
 十七日張懷芝入京催撥軍費 阮忠樞病故政府撥治喪
 費二千元並付史館立傳 曹錕決定抽撥二師六旅南
 下
 十八日特派段祺瑞督辦參戰事務 陸軍總長王士珍辭
 職以段芝貴繼之 特任劉存厚為四川督軍 特任周
 道剛為保威將軍 特授童保暄以勳四位○土耳其外
 相赴柏林
 十九日段祺瑞入府議參戰事 府議發停戰令 襄陽獨
 立○英法意比已承認葡萄牙之新政府
 二十日李純電反對出兵 日使林權助奉召返國謁別馮
 河間○俄京宣告被圍
 江南主教姚准